



Ioannes apud Belgas, patria Sleidanus, natus est Anno 1506. Is cum prima rudimenta literarum in patria didicisset, sese in Galliam contulit, & Lutetię bonis artibus & linguis diligenter incubuit. In ijs etiam adeo progressus est, ut sua eruditione omnibus innotesceret. Postea quoque Iuris studia completus, in ijs publice Licentiam impetrauit. Hisce & eloquentię studium & Latini sermonis puritatem adiecit. Cum hoc modo diu in Gallia uersatus esset, tandem amore religionis 1542 Argentinam peruenit, & ibidem literariam rem sua doctrina plurimum adiuuit. Ibi primũ Philippi Comminei commentarios, de rebus gestis Ludouici eius nominis undecimi Galliarum regis & Caroli Burgundię ducis, lingua Gallica mirabili industria scriptos, in Latinum sermonem transtulit. Postea quoque Iacobi Sturmij uiri prudentissimi familiaritatem nactus, de statu religionis & reipublicę Germanorum, Carolo quinto Cæsare, cõmentarios diligentissimẽ amicorũ hortatu scribere cœpit, & tãdẽ libris 25 fuit, presertim cũ publico Protestantium stipendio eò inuitaretur. quę quidem historia ab anno 1517 ad 1555 continuata hodie ubique circumfertur. Eam ego, ipsius Sleidani uenia, primus ex Latino in uernaculam transtuli, & tandem ad annum salutis 1562 Latine tribus libris auxi & continuauĩ.